




# ხაშყრის ძიამბუ



№1 (182)

7 იანვარი, ორშაბათი,

2019 წელი

## გილოცავთ შობის ბრწყინვალე დღესასწაულს!

დიდხანს ელოდა ადამიანი მაცხოვრის გამოჩენას. ელოდა იმ დღიდან, როცა სამოთხიდან განდევნილებს იმედად გამოაყოლათ ღმერთმა:

- მოგივლენთო მხსნელს და გაუსრესსო გველს თავს.

მშობლიურ გარემოს მოცილებულნი სევდითა და სასოებით ელოდნენ. მაგრამ ცოდვებით დღითი-დღე დამძიმებულნი სულ უფრო და უფრო ეშვებოდნენ ქვესკნელისკენ.

ისევ შემოქმედმა შეაშველა ხელი. წაღმა შემოატრიალა ეშმაკის მიერ უკუღმა დატრიალებული ცხოვრების ჩარხი და იქვით ათვლა ახალმა წელთაღრიცხვამ მიწიდან ცისკენ. და დაედო ამ წელთაღრიცხვას საძირკველად ქრისტეს შობა.

ჩუმად, თავისთვის ამობრწყინდა ცაზე უჩვეულოდ მოკაშკაშე ვარსკვლავი. მაგრამ ვისთვისაც ამობრწყინდა, ვერ გულისხმაჰყვეს. არც აუწყვით თავი ცისკენ. იყვნენ ამქვეყნიურ ორომტრიალში ჩაფლულნი. შორს, აღმოსავლეთში კი მოგვებმა მაშინვე შეამჩნიეს იგი და ისწრაფეს კიდევ მისკენ.

გარშემო კი დუნდა და ჩქეფდა ცხოვრება. დიდებულ პალატებში, სრა-სასახლეებში რბილ, ფაფუკ ხალიჩებზე დააბიჯებდნენ ამა ქვეყნის მესვეურნი. ის კი, მაცხოვარი, განხორციელებული სიტყვა, იესო ქრისტე, უფალი ჩვენი ჩვეულებრივი ჩველი ბავშვივით იწვა ცხოველთათვის განკუთვნილ ბაგაში და ადამიანებს შობისთანავე უმხელდა უდიდეს საიდუმლოს: სიმდაბლემიო ადამიანის დიდება. ამქვეყნიური ყოფა და ფუფუნება კი არ განსაზღვრავსო ადამიანის პიროვნებას, არამედ ის, რაც მის შიგნითაა, მისი შინაგანი სამყაროთი წარმოჩინდება იგი. ასე ასწავლიდა, მორჩილებითა და თავმდაბლობით გადარჩებაო ადამიანი. ამ სიბრძნისგან კი შორს იდგნენ ადამიანები. ამიტომაც იყო ერთი, უბრალო, ღარიბული ქოხიც კი არ აღმოჩნდა, რომ შეეფარებინა უფალი, უფალი, რომლის შობასაც ასე უგალობეს ანგელოზებმა:

- დიდება მალალთა შინა ღმერთსა, ქვეყანასა ზედა მშვიდობა და კაცთა შორის სათნოება.

და იშვა იესო, ბეთლემს, გამოქვაბულში, სადაც უამინდობისას მწყემსები საქონელს აფარებდნენ.

„ქალწული შობს დღეს მაცხოვარს“ - გალობს წმიდა ეკლესია და ურწმუნოთათვის აღბათ დაცინვის საბაბიც ხდება ეს:

- როგორ დღეს?! განა ორი ათასი წლის წინ არ იშვა?!

საერთოდ, საეკლესიო დღესასწაულები საეროსგან სწორედ იმით განსხვავდება, რომ ისინი ყოველწლიურად ისეთივე სიკაშკაშით გამოირჩევიან, როგორც პირველშობისას. სულ სხვაა საერო დღესასწაულები. რამდენი ღირსშესანიშნავი თარიღი შემოუნახავს კაცობრიობის ისტორიას, დროთა მსვლელობაში რომ გაფერმკრთალებულან, ფერი უცვლიათ. საეკლესიო დღესასწაულთა განცდა კი მორწმუნეთა გულებში კვლავ ინარჩუნებს პირვანდელ ბრწყინვალეებას.

წელსაც მოაწია ქრისტეს შობამ. მწყემსების მსგავსად ვისწრაფთ მისკენ. უარყოფთ პეროდესეული მტრობა მისდამი. მერე რა, რომ ცოდვებით დამძიმებულნი ვართ, შებიღწულნი. განა ცხოველთა ბაგა იუკადრისა ღმერთმა?! ნუ შევშინდებით. იმედი ვიქონიოთ. ღმერთი არ გაგვწირავს. შემოგუშვით ჩვენს გულში ქრისტე და იგი განგვიწმენდს გონებას, გაგვიხსნის ყურთასმენას და კვლავ გაგიგონებთ ანგელოსთა გალობას: დიდება მალალთა შინა ღმერთსა, ქვეყანასა ზედა მშვიდობა და კაცთა შორის სათნოება. ამინ!

შობის მოვლენები ორ მახარებელს აქვს აღწერილი - მოციქულ მათეს (რომელიც თორმეტთაგანი იყო) და ლუკას (რომელიც სამოცდაათთაგანი იყო). რამდენადაც მათე მახარებელი თავის მახარებას ებრაელთათვის წერდა, იმდენად იგი მესიის წარმომავლობაში ხაზს უსვამს მამამთავარ აბრაამსა და დავით მეფეს, როგორც ეს წინასწარმეტყველთაგან იყო ნაწინასწარმეტყველები. ამიტომაც მათე მახარებელი ასე იწყებს მახარებას: „წიგნი წარმოშობისა იესო ქრისტესი: დავითის ძისა, აბრაამის ძისა“ (მათე 1,1-17).

იცოდა რა მახარებელია, რომ იესო არ იყო იოსების (ქალწულ მარიამის ქმარი) შვილი, იგი არ ამბობს, რომ იოსებმა შვა იესო, არამედ გენეოლოგიური ხაზის აღწერისას ამბობს, რომ „იაკობმა შვა იოსები, ქმარი მარიამისა, რომლისგანაც იშვა იესო, ქრისტედ წოდებული“. მაგრამ რატომ მოჰყავს მაშინ მას იოსების წარმომავლობა და არა მარიამისა? საქმე ისაა, რომ ებრაელები არ აღწერდნენ თავიანთ წარმომავლობას დედის ხაზით (შეიძლება ითქვას, ქალის ხაზით). ამასთან, რჯული მათ ცოლის მოყვანას წარმომავლობის იმ შტოდან ავალებდა, რომელსაც ქმარი მიეკუთვნებოდა, ამიტომაც მახარებელმა წეს-ჩვეულებას არ გადაუხვია და იოსების წარმოშობის აღწერით აჩვენა, რომ მარიამი - ცოლი იოსებისა და, შესაბამისად, მისგან შობილი იესო, დავითის შტოდან არიან წარმოშობილი.

წმინდა ლუკა მახარებელი კი აღნიშნავს, რომ ქრისტეს შობა რომის იმპერიაში გამოცხადებულ ხალხის აღწერას დაემთხვა და როგორც უკვე ითქვა, ებრაელები თავიანთ წარმომავლობას შტოების და შთამომავლობის მიხედვით აწარმოებდნენ. ეს ჩვეულება იმდენად ძლიერი იყო, რომ იმპერატორ ავგუსტუსის განკარგულების შეტყობისთანავე, ყოველი მათგანი იმ ქალაქებისკენ გაემართა, საიდანაც იყვნენ წარმომავლობით. იოსები და ქალწული მარიამი გადგემაში, ქალაქ ნაზარეთში ცხოვრობდნენ, მაგრამ, როგორც ცნობილია, წარმომავლობით დავითის შტოდან იყვნენ, ამიტომაც ისინი ჩასაწერად ბეთლემში გაემგზავრნენ, რომელსაც დავითის ქალაქი ჰქვია, სადაც დაიბადა და მეფედ ეკურთხა დავით მეფესაღმუნე. ბეთლემი იერუსალიმთან ახლოს, მის სამხრეთით მდებარე პატარა ქალაქია. ნაზარეთიდან ბეთლემამდე გზის გა-

ლას სამ დღეზე ცოტა მეტი სჭირდებოდა. ბეთლემიდან აღმოსავლეთით იყო დავითის ჭა, ხოლო მის მოპირდაპირე მხარეს - გამოქვაბული. როცა იოსები და მარიამი ქალაქს მიუახლოვდნენ, მარიამს მშობიარობის დრომ მოუწია. იოსებმა დასაბინავებელი ადგილის ძებნა დაიწყო, მაგრამ ვერ იპოვა, რადგან, აღწერის გამო, უამრავი ხალხი იყო ბეთლემში თავმოყრილი. ვინაიდან უკვე ღამდობა და მომავალი მესიის დედისთვის არ აღმოჩნდა ქალაქში ადგილი, იოსები და მარიამი იძულებულნი გახდნენ ქალაქგარეთ, სწორედ იმ გამოქვაბულში შეეფარებინათ თავის, სადაც უამინდობისას მწყემსები თავიანთ ნახირს აბინავებდნენ.

იესო ქრისტე იშვა ღამით, როცა ბეთლემში და მის შემოგარენში ყველა ღრმა



ძილს იყო მიცემული.

შობის ღამეს, მთელს სამყაროში, დიადი სასწაულები მოხდა. მაცხოვრის დაბადებისთანავე, გამოქვაბულში, უეცრად, პირდაპირ ქვიდან წყარომ ამოხეთქა; მისგან შორს, რომში კი მიწიდან სურნელოვანმა ზეთმა იქვით დენა და მდინარის წყალს შეერია; წარმართული ტაძარი, რომელსაც მარადიულს ეძახდნენ, დაინგრა, მასში მდებარე კერპები დაიმსხვრა, ცაზე კი სამი მზე გამოჩნდა; ესპანეთში, იმ ღამეს, ცაზე თვალისმომჭრელად მბრწყინავი ღრუბელი გაჩნდა; ისრაელში, მიუხედავად ზამთრისა, ვახი აყვავდა. ხოლო ყველაზე დიდი სასწაული ანგელოზების გამოცხადება იყო, რომლებიც მწყემსებს გამოეცხადნენ და მახარებაშიც არის აღწერილი:

გამოქვაბულის მოპირდაპირედ, რომელშიც მაცხოვარი იშვა, მალალი კოშკი იდგა. კოშკში მწყემსები ცხოვრობდნენ. სამ მათგანს იმ ღამეს არ ეძინა, ვინაიდან ფარას მწყემსავლდნენ. სწორედ მათ გამოეცხადა მთავარანგელოზი გაბრიელი ზეციური ბრწყინვალეებით. მის დანახვაზე მწყემსები ძალიან შეშინდნენ, მაგრამ გაბრიელმა უთხრა მათ: „ნუ გეშინიათ! მე გახარებთ თქვენ უდიდეს სიხარულზე, რომელიც იქნება ყოველი ადამიანისთვის: რამეთუ დავითის ქალაქში მხსნელი იშვა, რომელიც არის უფალი ქრისტე“. ამ სიტყვებით მთავარანგელოზმა მესიის ჭეშმარიტ დანიშნულებაზე მიანიშნა, რომელიც არა მარტო ებრაელთათვის მოვიდა, არამედ ყველა ხალხისთვის, რამეთუ სიხარული იქნება ყველასათვის, ვინც მას მიიღებს, როგორც მხსნელს. გაბრიელმა ისიც უთხრა მწყემსებს, თუ სად იპოვიდნენ ახალშობილ ყრმას.

იმ დროს, როცა გაბრიელმა ამის შესახებ მწყემსებს აუწყა, ზეციდან მრავალი ანგელოზის გალობის ხმა მოისმა, რომლებიც ასე ადიდებდნენ ღმერთს: „დიდება მალალთა შინა ღმერთსა, ქვეყანასა ზედა მშვიდობა და კაცთა შორის სათნოება“.

რატომ აირჩია ანგელოზმა უბრალო მწყემსები და არ აუწყა ქვეყნად მესიის მოვლინება იუდეველ უხუცევებს, მწიგნობრებსა და ფარისეველებს? იმიტომ, რომ „ბრძენის ბრმა წინამძღოლებმა“ დაივიწყეს მესიის შესახებ წინასწარმეტყველების ჭეშმარიტი არსი.

ერთმანეთში მოთათბირების შემდეგ, მწყემსებმა გადაწყვიტეს ახალშობილის დაბადების ადგილას მისულიყვნენ და ენახათ მართალი იყო თუ არა, რაც მათ მთავარანგელოზმა უთხრა. მისულებმა ნახეს საქონლის ბაგაში მწოდარე

(დასასრული II გვერდზე)

(დასასრული)

ყრმა და ყველაფერი სწორედ ისე იყო, როგორც მათ ეუწყათ. მწყემსებმა ირწმუნეს, რომ ის იყო მესია, რომელსაც ამდენ ხანს ელოდნენ და რომ იგი მოვიდა, რათა იხსნას კაცობრიობა.

მათ ყველაფერი უამბეს წმინდა იოსებსა და ღვთისმშობელს. სალომეა (ნათესავი ღვთისმშობლისა და იოსებისა) და ყველა იქ მყოფი, რომლებიც ახალშობილის სანახავად იყვნენ მოსულები, გაოცდნენ მწყემსების მონათხრობით. ღვთისმშობელი კი „ჩუმად უსმენდა მათ და იმარხავდა ყოველ სიტყვას გულში“.

რამდენიმე თვით ადრე ქრისტეს შობამდე, ცაზე უჩვეულო ვარსკვლავი გამოჩნდა. აღმოსავლელმა მოგებმა (მოგებებს უწოდებდნენ განსწავლულ ადამიანებს, რომლებიც აკვირდებოდნენ და იკვლევდნენ ციურ მნათობებს) და ფილოსოფოსებმა შეამჩნიეს იგი და დაიწყეს ფიქრი თუ რას ნიშნავდა ამ საკვირველი ვარსკვლავის გამოჩენა. როგორც წმინდა მამები ამბობენ, შობის ვარსკვლავი ცაზე იმ მომენტიდან აინთო, როცა მთავარანგელოზმა გაბრიელმა ქაღვლულ მარიაში ახარა, რომ მისგან იშვება ქვეყნიერების მხსნელი.

იმ პერიოდისთვის ხალხს სჯეროდა, რომ დიდი ადამიანის დაბადებისას, ცაზე ახალი ვარსკვლავი გამოჩნდებოდა. მრავალმა წარმართმა, უმეტესად სპარსეთში, ებრაელთაგან იცოდა მომავალი მესიის, იუდეველთა დიადი მეფის შესახებ. სპარსი მოგებები ელოდნენ, რომ, როცა დაპირებული მეფე დაიბადებოდა, ცაზე ახალი ვარსკვლავი გამოჩნდებოდა. მართალია წინასწარმეტყველება მესიის ვარსკვლავის შესახებ სულიერი გაგებით იუწყებოდა, მაგრამ ღმერთმა, მისი გულმოწევალებით, წარმართებში რომ რწმენა გაეღვივებინა, ცნობა მათთვის უფრო გასაგები ფორმით, ცაზე უჩვეულო ვარსკვლავის გამოჩენით მისცა.

როცა ქრისტეს შობამდე ცოტა დროა იყო დარჩენილი, სამი მოგვი, ყოველი თავისი ქვეყნიდან, გაემართნენ პალესტინისკენ.

იოსები და ყოველდღივად ღვთისმშობელი ახალშობილ ყრმასთან ერთად ჯერ კიდევ ბეთლემში იმყოფებოდნენ, როცა შორეული აღმოსავლეთიდან წამოსული მოგებები იერუსალიმში მივიდნენ. იერუსალიმიდან ბეთლემისკენ მიმავლებს გზას ისევე ის უჩვეულო ვარსკვლავი უჩვენებდა, ვარსკვლავი თითქმის მიწამდე დაეშვა და ბოლოს იმ გამოქვაბულის თავზე გაჩერდა, სადაც ბაგაში ახალშობილი მაცხოვარი იწვა. იხილეს რა საქონლის ბაგაში მწოდარი ყრმა, აღმოსავლელი ბრძენი მიხვდნენ, რომ ახალშობილის მეუფება ფუფუნებაში და დიდებულ დარბაზებში კი არა, სიღარიბეში, მორჩილებაში და ამკვეთიური დიდების მოძულებაში იყო. წარმართ განსწავლულებზე მათთვის მოულოდნ-

ელმა სანახაობამ არ იმოქმედა და ის რწმენა არ შეერყევიათ, რის გამოც ასეთი გრძელი გზა გამოიარეს. პირიქით, შევიდნენ საქონლის სადგომში, მიეხლნენ ბაგაში მწოდარი ყრმას და თაყვანის სცეს არა მარტო როგორც მეფეს, არამედ როგორც ღმერთსაც და ძღვენიც მიართვეს: ოქრო, გუნდრუკი და მური. ოქრო - როგორც მეფეს, გუნდრუკი - როგორც ღმერთს და მური - როგორც კაცს, ვინაიდან მურს გარდაცვლილის ცხედრის გასაპატიონებლად იყენებდნენ, რათა შენახულიყო იგი.

მაცხოვრის შობასთან დაკავშირებულ მონათხრობში კიდევ ის არის შესანიშნავი, რომ პირველები, ვინც ახლად-აბადებულ მხსნელს თაყვანისცეს, მწყემსები იყვნენ, ბუნების ჭეშმარიტი შეილები, რომლებსაც მაცხოვრისათვის მხოლოდ თავიანთი გულის საგანძური შექმლოთ მიეძღვნათ, გულის საგანძე - საესე უბრალოებით, რწმენით და მორჩილებით.

უკვე მოგვიანებით კი სიბრძნით აღჭურვილი მოგებები მივიდნენ აღმოსავლეთიდან. ეს ალბათ იმაზე მეტყველებს, რომ გულის უბრალოებას და დრმა კეთილსინდისიერ მეცნიერებას ერთნაირად მიჰყავს ადამიანი ქრისტემდე. მხოლოდ პირველი გზა პირდაპირია, მოკლე და უფრო სარწმუნო, ვიდრე მეორე. მწყემსებს უშუალოდ ანგელოზებმა აუწყეს, ხოლო მოგებმა უტყვე ვარსკვლავის გამოჩენიდან მოყოლებული, მწვინადსაგალი და არცთუ უსიფათო გზა გაიარეს ვიდრე სასურველ მიზანს მიადევდნენ.

ვინ მოსთვლის, რამდენი საუკუნეა ქართველი ამ საოცარი ამბით, სიხარულითა და ვარსკვლავით განათებულ დამეში უხვად: ფულით, ფქვილით, ერბოთი, თხილ-კაკლით, საშობაოდ დაკლული ღორის ხორციით, ყოველივე იმით, რაც მოეპოვებოდა და რა თქმა უნდა, კვერცხით, აჯილდოვებდა მეალილოებს, შობის სიმბოლოთი, რომელიც სულ მალე, აღდგომას, ქრისტეს ჯვარცმის ნიშნად წითლად შეიღებებოდა და მეტონებს, ქრისტეს აღდგომის მახარობლებს მიერთებოდა. კვერცხით, რომელიც ოდითგან საუცხოო სანუქრად ითვლებოდა. და ვი, მას, ვინც ძღვენს დაინანებდა (მეალილოეთა ძღვენის გარეშე გაშვება ხალხში ფუძის უბრალოებისა და ზიანის მომტანად ითვლებოდა) იმ მწყემსთათვის, რომლებიც ღვთისა და ანგელოზებისაგან დამოძღვირდნენ სახარებისეულ წინაპრებს განასახიერებდნენ, ვისაც მოელი ქვეყნისათვის ღვთისა და ანგელოზების ნებით დიდი საიდუმლო, მომავალი, მარადიული, მარადიული ხსნის საწინდარი უნდა გაეგნოთ. ამას გარდა, ქრისტიანი ქართველი მოსულში, ყოველ სტუმარში, მათ შორის ყოველ მეალილოეში ღმერთს ხედავდა, რომელთათვის მირთმეული ძღვენი შესაწირიც იყო და საჩუქარიც, დიდებაც და თაყვანისცემაც.

**გილოცავთ შობის ბრწყინვალე დღესასწაულს!**

შობის დღესასწაული მართლმადიდებლური სამყაროს უდიდესი და გამორჩეული მოვლენაა, საქართველო ტრადიციულად 7 იანვარს აღნიშნავს მაცხოვრის შობას, მაგრამ ყოველი დღესასწაულის მოახლოებასთან ერთად თავს იჩენს ასევე ტრადიციული კითხვები:

რას ნიშნავს “ძველი” და “ახალი” სტილი? რატომ ვდღესასწაულობთ მაცხოვრის შობას ჩვენ 7 იანვარს, დასავლურ-ქრისტიანული სამყარო კი - 25 დეკემბერს? ან რატომ ვდღესასწაულობთ ახალი წლის შემობრძანებას ორჯერ?

ამ კითხვაზე პასუხის გაცემა და მოსახლეობის გათვითცნობიერება ორიოდ სიტყვით ძალიან რთულია, ვინაიდან ეს საკითხი ოდითგანვე ღრმა ანალიზისა და კვლევის საგანს წარმოადგენდა. ჩვენთვის ამოსავალი წერტილი და ერთადერთი ჭეშმარიტება არის ის გზა, რომელიც ქართულმა მართლმადიდებელმა ეკლესიამ გაიარა და რომლისგანაც საუკუნეების მანძილზე არც ერთი მისხალით არ გადაუხვევია. აქედან გამომდინარე, ყველა საეკლესიო თარიღი შესაბამისობაში მოდის იმ ძირითად მოთხოვნასთან, რაც საეკლესიო დღესასწაულის მოწესრიგებული წესით განლაგებასა და ჰარმონიულ თანწყობას გულისხმობს, ანუ რასაც იესო ქრისტე შეეხო, ყოველივე განწმინდა.

ქრისტეს შობამდე, I საუკუნეში, 44 წელს, რომის იმპერატორმა იულიუს კეისარმა ეგვიპტელი მეცნიერების დახმარებით ახალი კალენდარი შემოიღო, რომლის მიხედვით წელიწადის პირველ დღედ 1 იანვარი გამოაცხადა. ხსენებული კალენდარი ეკლესიის წიაღში არ შექმნილა და არც კეისარი გახლდათ საეკლესიო მოღვაწე.



კალენდარი არ იყო ქრისტიანობის დ რ ი ნ დ ე ლ ი , მაგრამ მეცნიერული თვალსაზრისით დროის ათვლის ყ ვ ე ლ ა ზ ე ს რ უ ლ ყ ო ფ ი ლ მ ო დ ე ლ ს წ ა რ მ ო ა დ გ ე ნ დ ა . ე კ ლ ე ს ი ა მ ი უ ლ ი უ ს ი ს კ ა ლ ე ნ დ ა რ ი შ ე ი თ ვ ი ს ა არა როგორც

სარწმუნოებრივი ღირებულების შემცველი სისტემა, არამედ როგორც მეცნიერული აზრის მონაპოვარი ისევე, როგორც შეითვისა ქრისტიანობამდელი ანბანი, სამშენებლო ხელოვნება და სხვა.

IV საუკუნიდან, როდესაც იულიუსის კალენდარი მოექცა საეკლესიო მსახურების წიაღში, იგი უწმინდეს დღესასწაულთა აღმნიშვნელი გახდა. 325 წელს, ნიკეაში გამართულ მსოფლიო I საეკლესიო კრებაზე ამ საკითხზე მნიშვნელოვანი გადაწყვეტილებები მიიღეს. იქიდან მოყოლებული, მართლმადიდებელი ეკლესია იულიუსის კალენდრით, ანუ ძველი სტილით აღნიშნავს ყველა საეკლესიო დღესასწაულს. კეისრის დროინდელი კალენდრისგან ძირითადი განსხვავება იმაშია, რომ საკულტო ორიენტაციების ნაცვლად კალენდრის ცენტრალური ადგილი მაცხოვრის ბრწყინვალე აღდგომის თარიღმა დაიკავა.

1582 წელს კალენდრის “რეფორმა” მოხდა რომის პაპ გრიგოლ II ინიციატივით და იულიუსის კალენდრის პარალელურად, გრიგორიანულიც იქნა შემოღებული, რომლის შედეგად ეს უკანასკნელი ყველა უმრავ მართლმადიდებლურ დღესასწაულს დამორდა ათი დღით, ხოლო XX საუკუნის დასაწყისში “დროის დეკრეტით” სამი დღეც დაემატა. ჯერ კიდევ 325 წელს,

ნიკეის მსოფლიო I საეკლესიო კრებაზე ბრწყინვალე აღდგომის თარიღის აღნიშვნის საკითხიც იქნა განხილული. წმ. მეფე კონსტანტინე დიდმა ნიკეიდან ეპისტოლეები გაუგზავნა ყველა იმ ეპისკოპოსს, რომლებიც წმიდა კრებას არ ესწრებოდნენ. ეპისტოლეს ერთ-ერთ ფრაგმენტში წერია: “...დაე, თქვენმა კეთილგონიერებამ განსაზღვროს, თუ

რამდენად არასაქებარია და საძრახისი, რათა ერთსა და იმავე დღეებში ერთნი მარხულობდნენ და სხვანი კი იხსნილებდნენ და აღდგომის დღის შემდეგ კი პირველნი ზეიმობდნენ და იშვებდნენ, მეორენი კი მარხულობდნენ”.

მართალია, აქ ბრწყინვალე აღდგომაზეა ყურადღება გამახვილებული, მაგრამ უდავოა, რომ წმიდა მამებს მხედველობაში ექნებოდათ სხვა საეკლესიო დღესასწაულებიც.

რაც ყველაზე მნიშვნელოვანია, კალენდრის დაზუსტება ან დახვეწა, ან მასში რაიმე ცვლილების შეტანა სათანადო დასაბუთებისა და შეთანხმების გარეშე ფრიად საზიანოა ეკლესიის ერთობისათვის. ეს საკითხი მსოფლიო I საეკლესიო კრებაზე გადაწყდა და მისი შეცვლა მხოლოდ მსოფლიო კრების კომპეტენციაში რჩება.

ამგვარი დასაბუთება ახალი სტილის გარდაუვალი აუცილებლობის შესახებ არ არსებობს და შესაბამისად, არც საყოველთაო შეთანხმებაა მიღწეული. ყველაზე “ხილული” და მყარი არგუმენტი, რაც ყველასთვის ნათელია და რაც აღიარებს ძველი სტილის უპირატესობას ახალთან შედარებით, მაცხოვრის საფლავზე, აღდგომის დღის დადგომისთანავე, იერუსალიმის მართლმადიდებელი პატრიარქის სანთლებზე ღვთაებრივი ცეცხლის გარდამოსვლაა (და სხვა სასწაულები, რომლებიც იულიუსის კალენდრის მიხედვით აღესრულება)! ღვთის მიერ მოვლენილი ეს ზეციური სასწაული სწორედ იმის დასტურია, რომ ძველი სტილი, ანუ ის გზა, რომელსაც განუხრელად ადგას მართლმადიდებელი ეკლესია, არის სრულიად გაცნობიერებული, ერთადერთი ჭეშმარიტი პოზიცია, რომელიც ყველაზე უკეთ არეგულირებს საეკლესიო ცხოვრების ჰარმონიულ რიტმს. სწორედ ეს არის იულიუსის კალენდრის დოგმატური ღირსება, რომელსაც მყარად იცავს საქართველოს მართლმადიდებელი ეკლესია.

ქრისტეშობა აღდგომის შემდეგ უდიდესი ქრისტიანული დღესასწაულია. ჩვენში ეს 7 იანვარს აღნიშნება. ყოველმა მართლმადიდებელმა მორწმუნემ, რომელიც თავს ეკლესიის წევრად მიიჩნევს, უნდა იცოდეს, თუ რომელი კალენდრით ცხოვრობს მისი ეკლესია. ამიტომ ჩვენ, როგორც დედა ეკლესიის წევრები, ვალდებულნი ვართ, მხოლოდდამხოლოდ ძველი კალენდრის მიხედვით ვიზეიმოთ ქრისტეშობაც და სხვა ყველა ქრისტიანული დღესასწაულიც.

რაც შეეხება ახალ წელს, ეს საერო დღესასწაულია და ახალი სტილით 1 იანვარს შეესაბამება. საქართველოს ეკლესია საახალწლო პარაკლისის ძველი სტილით, 14 იანვარს იხდის და საგანგებო ღონისძიებებს აწარმოებს. 1 იანვარს, როდესაც საერო კალენდრით მთელ პლანეტაზე ახალი წელი დგება, საქართველოში არაეკლესიური ხალხი სუფრითა და ზეიმით ხვდება ამ თავსმოხვეულ დღესასწაულს, მომარხულები კი 7 იანვარს, ანუ ნამდვილ 25 დეკემბერს - ქრისტეშობას გაიხსნილებენ.

# გარემოს დაცვისა და სოფლის მეურნეობის სამინისტროს ხაშურის საინფორმაციო-საკონსულტაციო სამსახურის 2018 წლის ანგარიში

### ინფორმაცია გაწეული კონსულტაციების შესახებ:

ხაშურის მუნიციპალიტეტის მასშტაბით, 2018 წელს გაწეული იქნა 4074 კონსულტაცია ფერმერებსა და აგრარულ სფეროში დასაქმებულ პირებს. ოფისში გაწეული იქნა 2109 კონსულტაცია, ოფისის გარეთ - 1965 კონსულტაცია, მათ შორის, სატელეფონო სახერხებით - 357 და სოციალური ქსელის საშუალებით - 119 კონსულტაცია.

### შეხვედრები ფერმერებთან და აგრარულ სფეროში დასაქმებულ პირებთან

2018 წელს სამსახურის მთელი შემადგენლობა საქსტენციო სამუშაოებს და კონსულტაციებს გაწეობდა მუნიციპალიტეტის მასშტაბით ყველა ადმინისტრაციული ერთეულის დასახლებების პუნქტებში.

საქსტენციო სახერხებით და კონსულტაციებს ვუტარებდით და რჩევა-დარიგებებს ვაძლევდით ფერმერებს. აგრარულ სფეროში დასაქმებულ და სოფლის მეურნეობის სხვადასხვა დარგების საკითხებით დაინტერესებულ პირებს. შეხვედრებს ვაწვებდით, როგორც ადმინისტრაციული ერთეულის ოფისებში, ასევე სოფლის მოსახლეობის თავშეყრის ადგილებში, სავაჭრო პირობებში და ქ. ხაშურში საკრებულოს სხდომათა და სასტუმრო „ივერიის“ საკონფერენციო დარბაზში.

შეხვედრებისათვის წინასწარი შერჩევა ხდებოდა სასაუბრო თემების სოფლების მიხედვით გავრცელებული ერთწლიანი და მრავალწლიანი კულტურების მოყვანის თანამედროვე აგროტექნოლოგიების და მათი გამოყენების პირობებში საბოლოო სამეურნეო და ეკონომიკური შედეგების მიღებაზე და სხვა.

საქსტენციო სახერხებით ერთად, დამსწრე პუბლიკას ფართოდ ვაცნობდით იმ მრავალ საბაზრო პროექტებს და პროგრამებს, რომლებიც ინიცირებულია გარემოს დაცვისა და სოფლის მეურნეობის ინიციატივით, სახელდობრ: „დანერგე მომავალი“, „აგროწარმოების ხელშეწყობის“, „წარმოე საქართველოში“, „აგროდაზღვევის“, „შედავითიანი აგროკრედიტების“, „გადამამუშავებელი და შემინახველი საწარმოების თანადაფინანსების პროექტი“ და სხვა არასამთავრობო და დონორი ორგანიზაციების პროექტებს, აგრეთვე, 2019 წელში შესაძლო განსახორციელებელ ახალი პროგრამების პროექტებს და სხვა.

შეხვედრებისას და სამსახურის ოფისში ფართოდ გამოყენებამი გვქონდა თვალსაჩინოება, სატელეფონო და SMS შეტყობინებები. მსმენელებს ოფისში კონსულტაციებზე მოსულ პირებს ვურიგებდით გარემოს დაცვისა და სოფლის მეურნეობის სამინისტროს ყოველთვიური მრავალტირაჟიანი გაზეთის „ჩვენი სოფელი“-ს ახალ ნომრებს, ასევე, დაინტერესებულ პირებს ვურიგებდით სსიპ სოფლის მეურნეობის სამეცნიერო-კვლევითი ცენტრის, სასოფლო-სამეურნეო კოოპერატივების განვითარების სააგენტოს და სხვა საბაზრო და არასამთავრობო ორგანიზაციების მიერ გამოცემულ ბროშურებს და ბუკლეტებს, ასევე, სამსახურის სპეციალისტების მიერ დარგების მიხედვით მორგებულ და შექმნილ საინფორმაციო-საკონსულტაციო მასალებს. შეხვედრებისას ფერმერებთან კითხვა-პასუხის რეჟიმით მუშაობას დიდი ეფექტი ჰქონდა, რასაც სისტემატიურად ვაწარმოებდით.

ფერმერებთან, სოფლების მიხედვით, შეხვედრებისას ვაფიქსირებდით მათ საქმიანობაში არსებულ პრობლემებს, რომელთა აღმოფხვრასაც ვახდენდით ჩვენი სამსახურის კომპეტენციის ფარგლებში, ხოლო, ყველა საკითხი, რომელთა გადაწყვეტა ადგილზე შეუძლებელი იყო, მოვახდინეთ მათი თავმოყრა და გადმოგზავნა სამინისტროს სათანადო დახმარების გაწევის მიზნით.

ფერმერთა თეორიული და პრაქტიკული ცოდნის ამაღლების მიზნით, წლის განმავლობაში სამსახურის ორგანიზებით დარგების მიხედვით ფერმერთა ჯგუფებს მონაწილეობა მივადებდით სავაჭრო პირობებში მოწოდებულ ტრენინგებში, გორის მუნიციპალიტეტის სოფ. კარალეთში „ელკანა“-ს ინიციატივით ბიოფერმერულ მეურნეობაში, სოფ. კვარხეთში USAID-ის ინიციატივით მეხილეობის ბაღებში თანამედროვე აგროტექნოლოგიების გამოყენების და სოფ. კარალეთში - ვაშლის ბაღებში წაყინების საწინააღმდეგო აგრეგატების პრაქტიკაში გამოყენების პრეზენტაციაზე.

ტრენინგებზე დამსწრე ფერმერთა რაოდენობამ 60 გადააჭარბა, რაც იმას მიანიშნებს, რომ ფერმერული საქმიანობის მიმდევართა რიცხვი დღითიდღე იზრდება და იგი პროგრესირებადი გახდა.

2018 წლის 15 აგვისტოს, სამინისტროს და სსიპ სოფლის მეურნეობის სამეცნიერო ცენტრის მეცნიერ მუშაკების შემადგენლობით შექმნილმა მობილური ექსტენციის ჯგუფმა, როგორც წინა წლებში, ისე საანგარიშო პერიოდში, მოვაწყვეთ შეხვედრები სავაჭრო პირობებში მუნიციპალიტეტის გომის ადმინისტრაციული ერთეულის ს. ვაჯაში, ოსიაურის ადმინისტრაციული ერთეულის ს. ქვემო ოსიაურში, ცხრაშხის ადმინისტრაციული ერთეულის ამავე სოფელში და ხცისის ადმინისტრაციული ერთეულის სოფ. კრისხევიში, შეხვედრაზე მონაწილეობა მივადებდით მუნიციპალიტეტის დანარჩენი 9 ადმინისტრაციული ერთეულის დასახლებათა პუნქტების ფერმერებს და აგრარული საკითხებით დაინტერესებულ პირებს. სულ დამსწრეთა რაოდენობამ 150 გადააჭარბა. დამსწრეებს მეცნიერებმა, თვალსაჩინოებათა გამოყენებით, გააცნეს მემცენარეობის დარგების მიხედვით და მეცხოველეობის თანამედროვე ტექნოლოგიები და მიღწევები, მცენარეთა დაცვის ღონისძიებები და სხვა. შეხვედრები, როგორც ზემოთ აღინიშნა, ხალხმრავალი იყო და ფერმერთა დიდი კმაყოფილება დამსახურეს გამოხვედრებმა.

სამსახურთან ფუნქციონირებს ფერმერთა საკონსულტაციო საბჭო 12 კაციანი შემადგენლობით, სადაც განიხილებოდა საკითხები: სასოფლო-სამეურნეო სამუშაოების მიმდინარეობა სეზონური ვადების მიხედვით, „ალოობა 2018“ წლის ორგანიზებულად ჩატარებისთვის და აზიური ფაროსანის გავრცელების და მასთან ბრძოლის ღონისძიებებზე. საკონსულტაციო საბჭოს წევრებთან ფართოდ მსჯელობა გვქონდა სამთავრობო და დონორი ორგანიზაციების მიერ განსახორციელებელ პროექტებზე, მათში ზოგიერთ შესაძლო ცვლილებებზე საკითხის დაყენებაზე და სხვა.

აგრარულ სფეროში, საერთაშორისო მოცდილებების პრაქტიკული ტექნოლოგიების გაცნობის მიზნით, მუნიციპალიტეტის 45 ფერმერს, ჩვენი ორგანიზებით, მონაწილეობა მივადებდით, 21 ნოემბერს, სავაჭრო ცენტრის „ექსპოზიციონარ“-ს მიერ მოწოდებულ სოფლის მეურნეობის ტექნიკის, კვების მრეწველობის გადამამუშავებელი და შემფუთვით ტექნოლოგიების და მცენარეთა დაცვის საშუალებების საერთაშორისო გამოფენაზე.

სისტემატიურად ვახდენდით ფერმერებთან ერთად ხილის, ყურძნის, ბოსტნეული და მარცვლეული კულტურების მწარმოებელი ფერმერების და სამეცნიერო ცენტრის სადემონსტრაციო ფართობების დათვალიერებას და მათი მიღწევების გაზიარებას, რაც სამომავლოდ აუცილებლად გაგრძელდება.

### სახელმწიფო პროგრამის ფარგლებში გაცემული ცნობები

2018 წელში სახელმწიფო პროგრამის „დანერგე მომავალი“-ს ფარგლებში გაცემულია 15 ცნობა 55.05 ჰექტარ ფართობზე მრავალწლიანი ნარგავების გაშენებისათვის, აგროწარმოების ხელშეწყობის პროგრამით გასაშენებელ კენკროვან და ბოსტნეულ კულტურებზე, წვეთოვანი გასარწყავების სისტემების მოწყობისთვის 4 ცნობა - 647 ჰექტარ ფართობზე.

შემოდგომით მომზადებულია ათობით ფერმერის მიერ მიწის ფართობი 2019 წლის გაზაფხულზე გასაშენებელი მრავალწლიანი კულტურების ბაღებისათვის, რაც პროგრამის დადებით მხარეზე მიუთითებს.

### შეხვედრები ადგილობრივი თვითმმართველობის ორგანოებთან და მათ წარმომადგენლებთან

როგორც წინა წლებში, ასევე საანგარიშო წელსაც საქმიანი და კოლეგიალური ურთიერთობა გვქონდა საპარლამენტო ბიუროს, მუნიციპალიტეტის მერიის, საკრებულოს ხელმძღვანელებთან და ადმინისტრაციული ერთეულების მერიის წარმომადგენლებთან, რომლებთანაც ყოველკვირულად ვაწვებდით შეხვედრებს და მათგან ვღებულობდით ინფორმაციებს სასოფლო-სამეურნეო მიმდინარეობის, მოსავლის აღებისათვის საჭირო ტექნიკით უზრუნველყოფაზე, მოსავლის აღება-დაბინავების, საგაზაფხულო და საშემოდგომო ხვნა-თესვის, სამთავრობო პროექტების მომდინარეობის და აზიური ფაროსანის გავრცელების კვების შესახებ და სხვა.

ჩვენი სამსახურის მხრიდან, მათ მიეწოდებოდა ყველა სიახლეზე ინფორმაცია, მისი მოსახლეობაში ოპერატიულად გავრცელების მიზნით.

კარგი თანამშრომლობა გვქონდა საქართველოს იუსტიციის სამინისტროს გომის



საზოგადოებრივი ცენტრის თანამშრომლებთან, რასაც მომავალშიც ვაგაგრძელებთ.

### შეხვედრები არასამთავრობო და საერთაშორისო ორგანიზაციებთან

მჭიდრო საქმიანი ურთიერთობა გვქონდა საანგარიშო პერიოდში არასამთავრობო და სხვა საერთაშორისო ორგანიზაციების წარმომადგენლებთან, რომელთა მონაწილეობით წლის განმავლობაში ჩატარდა რამდენიმე ტრენინგი და შეხვედრა ფერმერებთან და აგრარულ სფეროში დაინტერესებულ ფიზიკურ და იურიდიულ პირებთან.

არასამთავრობო ორგანიზაცია „ელკანა“-ს ინიციატივით, წლის განმავლობაში, რამდენიმეჯერ ჩატარდა ფერმერებისათვის ტრენინგები ხილისა და ხილ-კენკროვანი კულტურების მოვლა-მოყვანის ინტენსიური ტექნოლოგიების, მოსავლის დაბინავების, ქარსაფარი ზოლების გაშენების და მათი დადებითი მხარეების შესახებ და სხვა.

ტრენინგებზე, ჩვენს მიერ შერჩეულ ფერმერებთან ერთად, მონაწილეობას ვღებულობდით სამსახურის წარმომადგენლებიც. ტრენინგები იმართებოდა, აგრეთვე, მეფუტკრეობის, მეცხოველეობის, სურსათის უვნებლობის, აზიური ფაროსანის წინააღმდეგ ბრძოლის ღონისძიებებზე USAID, BEAP-ის ინიციატივით და პროგრამებით.

ტრენინგები, აგრეთვე, ვაგვიარეთ სავაჭრო პირობებში გორის მუნიციპალიტეტის ს. ძევერაში ვაშლის ბაღების მოვლა-მოყვანის საკითხებზე და სოფ. კარალეთში ვაშლის ბაღებში წაყინების საწინააღმდეგო ტექნიკის პრეზენტაციაზე და სხვა.

საქართველოს სამრეწველო სავაჭრო პალატის მიერ მუნიციპალიტეტში ჩატარდა ტრენინგები „ფუტკრის დაავადებებთან ბრძოლის მეთოდები და საზღვარგარეთული გამოცდილებები მეფუტკრეობაში“, „ეკროდირექტივა მომხმარებლებისათვის სურსათთან დაკავშირებული ინფორმაციის მიწოდების შესახებ“ და სხვა.

### შეხვედრები საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიულ პირებთან (სსიპ) არასამეწარმეო (არაკომერციული) იურიდიული პირებთან (ა(ა)იპ) და სახელმწიფო შპს-ებთან

საანგარიშო პერიოდში, შეხვედრები მოეწყო ქ. გორში შპს „საქართველოს მელიორაციის რეკონსტრუქციის სამმართველოს ქარელის სერვისული ორგანიზაციის ხელმძღვანელებთან, შპს „მექანიზატორის“ ავარის სერვისცენტრის ხელმძღვანელებთან და მათ დაქვემდებარებაში ხაშურის მუნიციპალიტეტის ზონის მენეჯერთან. შეხვედრებისას ჩვენს მიერ დაყენებული იქნა საკითხები მელიორაციის სფეროში არსებულ არადამაკმაყოფილებელ მდგომარეობაზე, რასაც რამდენიმე წელია ვიმეორებთ, ყველა დონეზე და იგი კვლავ მოუგვარებელია. რაც შეეხება შპს „მექანიზატორთან“ ურთიერთობებს იგი დამაკმაყოფილებელია და ფერმერების მოთხოვნები როგორც სახნავ ისე, მოსავლის აძლები ტექნიკით უზრუნველყოფაზე მართავდია და შენიშვნები მინიმუმამდეა დაკვეთილი.

### კონსულტაციის მიღების მიზნით ურთიერთობა საქართველოს გარემოს დაცვისა და სოფლის მეურნეობის სამეცნიერო კვლევითი ცენტრთან და პროფესიული სწავლების კოლეჯებთან

რჩევების და კონსულტაციების მიღების მიზნით, საანგარიშო პერიოდში, ვთანამშრომლობდით საქართველოს სოფლის მეურნეობის სამეცნიერო კვლევითი ცენტრის მეცნიერ მუშაკებსა და აგრარული უნივერსიტეტის და თავისუფალი უნივერსიტეტის შესაბამისი კათედრის მეცნიერ-მუშაკებთან და აგრარული ლაბორატორიის მუშაკებთან, რომლებსაცაც მიღებულ რჩევებს მიხედვით თეორიულ კონსულტაციებს ვაძლევდით

(გაგრძელება IV გვერდზე)

(გაგრძელება)

ფერმერებს და სხვა აგრარული საკითხებით დაინტერესებულ პირებს.

საქართველოს გარემოს დაცვისა და სოფლის მეურნეობის სამინისტროს სსიპ-ების, ა(ა)იპ-ების და შპს-ების ტერიტორიული ორგანოების საქმიანობა

2018 წელს, სამსახურს საქმიანი და კოლგიალური ურთიერთობა ჰქონდა საქართველოს სოფლის მეურნეობის სამინისტროს სსიპ სურსათის ეროვნული სააგენტოს, სოფლის მეურნეობის პროექტების მართვის სააგენტოს, სოფლის მეურნეობის სამეცნიერო კვლევითი ცენტრის, სასოფლო-სამეურნეო კოოპერატივების განვითარების სააგენტოს, საქართველოს მედიორაციის რეგიონულ და ქარელის სერვის ცენტრებთან, შპს „მეკანიზატორის“ და აგარის სერვის ცენტრის ხელმძღვანელებთან. საჭიროებისამებრ, ჩვენს მიერ ხდებოდა პრობლემური საკითხების დაყენება ზემოთ დასახლებულ ორგანიზაციების წინაშე, რომელიც ფერმერებთან შეხვედრებისას წარმოიშეებოდა, როგორც სატელეფონო, ისე წერილობითი ფორმით. დაყენებული საკითხებიდან ნაწილი ოპერატიულად გვარდებოდა, სახელდობრ, გაიწმინდა ტეხერში შოლის არხი, რომლის წყალბობითაც ათობით ჰექტარი სას-სამეურნეო სავარგული დატბორვას გადაურჩა, ასევე, სოფ. ოსიაურსა და ვაყაში ჩატარდა შიგარაწყავი არხების წმენდითი სამუშაოები და სხვა, ხოლო დანარჩენი სოფ. ცხრაშუხის შიგარაწყავი სისტემები, ხცისის სატუმბი სადგურის და ამ ზონაში გასასარწყავებელი 800 ჰექტარი ფართობის ცენტრალური მაგისტრალის ადღგებითი სამუშაოები საერთოდ არ დაწყებულა.

კვლავ გადაწყვეტას მოითხოვს „ხემო ხაშურის“ სარწყავი სისტემის ადღგენის საკითხი, რითაც, სარწყავიანდობდა მუნიციპალიტეტის სამი ადმინისტრაციული ერთეულის - ალის, ფლევის და წაღვლის მიწის მესაკუთრეთა 3600 ჰექტარზე მეტი სასოფლო-სამეურნეო სავარგული, რომელიც წინა საუკუნის 90-იან წლებამდე გამართულად მუშაობდა.

საქმიანი ურთიერთობა გვქონდა სასოფლო-სამეურნეო კოოპერატივების განვითარების სააგენტოს ხელმძღვანელებთან და სპეციალისტებთან, რომელთა ძალისხმევით უკვე წარდგენილია ეკონომიკის სამინისტროს ქონების მართვის სააგენტოში მეცხოველეობის სასოფლო-სამეურნეო კოოპერატივზე „კოლიწყაროს ტბა“-ზე საძოვრების ჯარით გადაცემისთვის სათანადო მასალები, რომელიც ჩვენს მიერ მოძიებულ საძოვრების საჯარო რეესტრის ამონაწერების სახით არის წარმოდგენილი.

სამეცნიერო კვლევითი ცენტრის, სოფლის მეურნეობის პროექტების მართვის სააგენტოსთან, შპს „მეკანიზატორთან“ ჩვენს ურთიერთობებზე ზემოთ მოგახსენეთ და ის კვლავ გაგრძელდება.

სურსათის ეროვნული სააგენტოს ვეტსპეციალისტების მიერ 2018 წელში ჩატარებულია შემდეგი სამუშაოები

თურქელის ვაქცინაცია გახაფხულზე ჩატარდა 7267 მრპ-ს და 444 წრპ-ს, ხოლო მოზარდებში რევაქცინაცია ჩატარდა 1977მრპ- და 100 წრპ-ს. შემოდგომით ვაქცინაცია ჩატარდა 8070 მრპ და 396წრპ-ს, რევაქცინაცია კი - 1931 მრპ და 50 წრპ-ს.

ნოდალურ დემბატიტზე აიცრა 7858 მრპ, ყირიმკონგოს დაავადებებზე დამუშავდა 200 სული მრპ.

ცოფზე აიცრა - 2501 ძაღლი და - 47 კატა, მათ შორის, 28 სექტემბერს, ცოფთან ბრძოლის საერთაშორისო დღესთან დაკავშირებით აიცრა - 239 ძაღლი და - 43 კატა.

ბრუცელიოზის დაავადებაზე ვაქცინაცია ჩატარდა - 1050 მრპ-ს და გაიცა შესაბამისი პასპორტები.

ანაბილური მოქმედების მქონე აკრძალული ნივთიერებების, ვეტერეპარატების და დამაბინძურებლების კვლევის მიზნით, სოფ. გომში, კვლევა ჩატარდა 5 სულ ღორს. გამოკვლევის შედეგად მკვენივთიერებათა კვალ არ დადგინდა.

წლის განმავლობაში, პერიოდულად ხორციელდებოდა გვემური და არაგვემური შემოწმება მუნიციპალიტეტის ტერიტორიაზე ფუნქციონირებად ვეტაფთიაქებში. ლაბორატორიული კვლევისათვის აღებულია ვეტერეპარატების ნიმუშები, რომელთა გამოკვლევებმა უარყოფითი შედეგი არ აჩვენა.

საკარანტინო ობიექტების მონიტორინგის მიზნით ხეხილის ბაღებში აღებული იქნა 15 ნიმუში, საიდანაც დაავადებები არ გამოვლენილა.

მრავალწლიანი ნარგავების ხილის ბაღების მქონე ფერმერებს ჩატარდათ კონსულტაციები ბაქტერიული სიდამფერის საწინააღმდეგო ბრძოლის ღონისძიებებზე.

აზიური ფაროსანის გავრცელების ფაქტების დასადაგენად განთავსებული იქნა 200 ფერომონიანი საჭერი, მათზე, ერთეულების სახით, დაფიქსირდა მუნიციპალიტეტის სოფ. ოსიაურში, სოფ. ხცისში, ს. კრისხევში, სოფ. გომში, დაბა სურამში, ქ. ხაშურში, სოფ. ალში და სოფ. ფლევიში. მოსახლეობას სისტემატიურად უტარდებოდა კონსულტაციები ფაროსანის წინააღმდეგ ბრძოლის ღონისძიებების შესახებ.

საანგარიშო პერიოდში, მოთხოვნის მიხედვით ხდებოდა ფიტოსანიტარული სერთიფიკატების გაცემა და სხვა.

სურსათის უვნებლობის მიმართულებით, მონიტორინგი ხორციელდებოდა სახელმწიფო კონტროლის შესახებ გარემოს დაცვისა და სოფლის მეურნეობის მინისტრის ბრძანების შესაბამისად.

სახელმწიფო კონტროლის მექანიზმის მონიტორინგის გაწეილი გვემის მიხედვით, ხორციელდებოდა სხვადასხვა ცხოველური და არაცხოველური წარმოშობის სასურსათო პროდუქტების ნიმუშების აღება ლაბორატორიული კვლევის მიზნით. შედეგებზე ხდებოდა კანონით გათვალისწინებული ღონისძიებების მიღება.

ინფორმაცია სახელმწიფო პროგრამების მიმდინარეობის შესახებ

სახელმწიფო პროგრამაში „დანერგე მომავალი“ 15 ბენეფიციარმა მიიღო მონაწილეობა, რომელთაც 55.05 ჰექტარი მიწის ფართობის სამეცნიერო ცენტრის მიერ დადგენილი კრიტერიუმებით დამუშავების და სარწყავი წყლის რესურსებით უზრუნველყოფაზე მიეცათ სათანადო ცნობები. აგროწარმოების ხელშეწყობის სახელმწიფო პროგრამით ისარგებლა 4 ბენეფიციარმა, რომელთაც 6.47 ჰექტარ სასოფლო-სამეურნეო მიწის ფართობებზე გააშენეს უკელო მავალი, კოლო და დათესეს ბოსტნეული კულტურები.

ამავე პროგრამით, საანგარიშო პერიოდში, შემნახველი საწარმოების თანადაფინანსების სახელმწიფო პროექტში მონაწილეობისათვის ცნობა მიეცა სასოფლო-სამეურნეო კოოპერატივებს „სურამი 2017“-ს, რომელიც სამეცნიერო სამუშაოებს 2019 წლიდან შეუდგება სოფ გომში აღნიშნული სათვისათვის გამოყოფილ ადგილზე, შემნახველი საწარმოს სიმძლავრე 230 ტონაზეა გათვალისწინებული. თანადაფინანსება გათვალისწინებულია 380 ათასი ლარით. საკუთარი თანამონაწილეობა კი 565 ათასი ლარის შედგებითი გრძელვადიანი აგროკრედიტითაა უზრუნველყოფილი. სულ ობიექტის სახარჯთაღრიცხვო ღირებულება 945 ათას ლარს შეადგენს.

რეგიონალური სამმართველოს და საინფორმაციო-საკონსულტაციო სამსახურის მიღწევები და წარმატებები;

რეგიონალური სამმართველოს და საინფორმაციო-საკონსულტაციო სამ-

სახურის მიღწევები და წარმატებები

საანგარიშო პერიოდში საინფორმაციო - საკონსულტაციო სამსახურის სპეციალისტები აგრძელებდნენ დებულებით განსაზღვრულ, ფერმერთა საჭიროებებზე ორიენტირებულ საქმიანობას;

სამსახურის მუშაკების მიერ, წლის განმავლობაში, სულ გაცემულია 4074 კონსულტაცია, ერთ თვეში საშუალოდ გაცემულია 339 კვალიფიციური, შედეგზე ორიენტირებული მეთოდური რჩევა-დარიგება;

კონსულტაციებისათვის ყველაზე მოთხოვნადი მიმართულებებია - სახელმწიფო პროგრამები, რაზედაც გაცემულია 898 კონსულტაცია, მეხილეობა - მევენახეობა - 166 კონსულტაცია, მარცვლეული და პარკოსანი კულტურები - 147 კონსულტაცია და ა. შ.

დროულად, კომუნიკაციის სხვადასხვა საშუალებების გამოყენებით, ხდება სამინისტროს პოლიტიკისა და პროგრამების შესახებ მოსახლეობის ინფორმირება; მევენახეობის სასოფლო-სამეურნეო კოოპერატივების დახმარების პროგრამა განხილული იქნა ქვიშხეთის, ალის, წაღვლის ადმინისტრაციული ერთეულების სოფლების მოსახლეობასთან 23 და 24 აპრილს გამართული შეხვედრებისას, „შედავითიანი აგროკრედიტის“ სამთავრობო პროგრამაში შესული ცვლილებები ეცნობათ დაინტერესებულ მოქალაქეებს

სხვადასხვა დროს და კომუნიკაციის სხვადასხვა საშუალებების გამოყენებით და ა. შ.

ფერმერებს, მოთხოვნის აქტიურ რეჟიმში, მიეწოდებოდა ინფორმაცია პროგრამა „დანერგე მომავალი“ შესახებ, მუნიციპალიტეტის ტერიტორიაზე პროგრამით უკვე გაშენებულია 35 ჰა ვაშლის, 8,5 ჰა ქლიავის, აგრეთვე, სხვა მრავალწლიანი კულტურების ინტენსიური ბაღები; ამ ეტაპზე, ახალგაზრდა ფერმერი დაეით ხუხაშვილი 13 ჰექტარზე გააშენებს

სელექციური კაკლის ბაღს, სასოფლო-სამეურნეო კოოპერატივი „კლდისწყაროს ბაღების“ მეპაიეები 10,5 ჰექტარზე დარგავენ ქლიავს და ა. შ. სამუშაოების მიმდინარეობაზე სამსახურს დაწესებული აქვს მონიტორინგი.

სამსახურის სპეციალისტების მიზანდასახული მეთოდური მუშაობით, მუნიციპალიტეტში ჩამოყალიბებულია ხორბლის მწარმოებელი, მევენახე- და მეხილე ფერმერების, კარტოფილის მწარმოებელი- და მეფუტკრე ფერმერთა სამიზნე ჯგუფები; მათთვის სწავლება მიმდინარეობს სამსახურის მიერ ადგილზე ჩატარებულ ან სოფლებში გასვლისას ორგანიზებულ შეხვედრებზე; ამ მიზნით, 15 იანვარს, გომის ადმინისტრაციული ერთეულის სოფ. ვაყაში ჩატარდა შეხვედრა კარტოფილის მწარმოებელ და მებოსტნე ფერმერთან, 9 თებერვალს, მუნიციპალიტეტის საკრებულოს დარბაზში, გაიმართა შეხვედრა მევენახე ფერმერთან და ა. შ.

წლის განმავლობაში სულ ჩატარებულია 30 შეხვედრა, რომელსაც დაესწრო 714 ფიზიკური და იურიდიული პირი, მათ შორის 15 სასოფლო-სამეურნეო კოოპერატივი. შეხვედრებზე მონაწილეებს მიეწოდათ ინფორმაცია აგრარული დარგის სამთავრობო პროგრამების თაობაზე, გაეცათ დარგობრივი კონსულტაციები, გაეცათ პასუხები დასმულ კითხვებზე.

იმის გათვალისწინებით, რომ სამსახურში არ არის ყველა დარგის სპეციალისტი, საჭიროებიდან გამომდინარე, ფერმერთა მოთხოვნის მიხედვით, ზოგჯერ ხდება სპეციალისტების ჩამოყვანა და შესაბამისი რჩევების მიღება; ასეთი მომსახურეობა „ელკანას“ სპეციალისტებისგან 15 მაისს მიიღეს ბოსტნეულის სათბურის მეპატრონემ სოფ. ქვემო ოსიაურში კიტრის მოყვანის საკითხზე, სასოფლო-სამეურნეო კოოპერატივი „გომი - 2015“ - ის მეპაიეებმა თესლოვანი ხილის ბაღის მოვლის საკითხებზე და ა. შ.

ფერმერები გამოთქამენ მზარდ მოთხოვნას ახალი ცოდნის მიღებისა და ინოვაციების დანერგვისათვის; ამიტომაც აქტიურ მონაწილეობას იღებენ ტრენინგებსა და სწავლებებში; წლის განმავლობაში სულ ჩატარებულია 25 ტრენინგი, სწავლების თემები იყო - მეღორეობის დარგი, პიგენა და უსაფრთხოება, ფუტკრის რძისა და სამამლე პომოკენატის წარმოება და ა. შ. ტრენინგებმა ფერმერების დიდი ინტერესი გამოიწვია.

მინიციპალიტეტის ფერმერებმა და აგრარული დარგში დასაქმებულმა მოქალაქეებმა 21 ნოემბერს, ქ. თბილისის საგამოფენო ცენტრში, დაათვალიერეს სოფლის მეურნეობის, კვების მრეწველობის, გადამამუშავებელი და შემფუთველი ტექნოლოგიების მე - 17 საერთაშორისო გამოფენა; ფერმერები გაეცნენ ახალ ტექნოლოგიებს და სოფლის მეურნეობის სექტორში მიმდინარე სიახლეებს, მათ მიეცათ საშუალება, პირდაპირი კონტაქტები დაამყარონ მეწარმეებთან.

ინფორმაციისა და კონსულტაციების გაცემასთან ერთად, ფერმერებს, მოქალაქეებს გადაეცემოდათ სამინისტროს გახუთის - „ჩვენი სოფელი“ ნომრები, მათ ურიგდებოდა სამეცნიერო - კვლევითი ცენტრის მიერ გამოცემული ბროშურები, სამსახურის სპეციალისტების მიერ შედგენილი მეთოდური მასალები.

სამსახურს კონტაქტი ჰქონდა და აქვს დამყარებული ადგილობრივ მედიასთან, მუნიციპალიტეტის გახუთი „ხაშურის მოამბე“ სისტემატიურად აქვეყნებს სამსახურის სპეციალისტების მიერ მომზადებულ აგრარული შინაარსის ინფორმაციებს, მოსახლეობას აცნობს წარმატებული ფერმერების საქმიანობას და ქვეყნდება სამსახურის წლის განმავლობაში გაწეული მუშაობის ანგარიში და სხვა.

ასეთი მიზანდასახული მუშაობის შედეგითაც ის, რომ მუნიციპალიტეტში მნიშვნელოვნად გაიზარდა წარმატებული ბენეფიციარი ფერმერებისა და სასოფლო-სამეურნეო კოოპერატივების რაოდენობა; შემოსავლის ძირითად წყაროდ გადაიქცა ფერმერებისთვის - ჯუმბერ კილაძე, გურგენ გონგლაძე, სერგო მჭედლიძე და სხვ., აგრეთვე, სასოფლო-სამეურნეო კოოპერატივების - „ცივი წყარო“, „ხაშურ - ქარელის მეფუტკრე 2015“, „სურამი - 2017“, „ბარაქა“ და სხვ. აგრარული საქმიანობა.

მუნიციპალიტეტის წარმატებულმა ფერმერებმა და სასოფლო-სამეურნეო კოოპერატივებმა აქტიური მონაწილეობა მიიღეს და წარმოადგინეს საკუთარი პროდუქცია - თაფლი, ხილი, ყურძენი, ღვინო და ა. შ. 29 სექტემბერს გამართულ „ხაშურ-ქალაქობის“ ზეიმზე, 30 სექტემბერს ქ. გომში ჩატარებულ შიდა ქართლის აგროფესტივალზე და ა. შ.

სასოფლო-სამეურნეო საქმიანობაში არიან ჩაბმული ბენეფიციარი ქალბატონები - ნანა შარაშიძე (კენკროვანი კულტურები), ნელი კაპანაძე(მცეცხოველეობა), რუსუდან გელაშვილი(მეფუტკრეობა) და სხვ.

ბიოლოგიურად სუფთა პროდუქტს აწარმოებს სოფ. ხცისში მევენახე კონსტანტინე თუმანიშვილი, სოფ კრისხევში ბოსტნეულს - შოთა იონათამიშვილი, ხოლო, ბიომეურნეობების შექმნას აპირებენ დავით ქურდაძე, ირაკლი ბუაძე და სხვ.

აგრარული დარგით დაინტერესებულნი არიან და აწარმოებენ სასოფლო-სამეურნეო პროდუქციას ახალგაზრდა ფერმერები - ხეიან ლომიძე (თხის ფერმა), აკაკი მებრეველი (ხორბლის წარმოება), მძეპი ლალუაშვილები (ადგილწარმოშობის ღვინოები) და სხვ.

სამსახურის მუშაკების მიერ მოპოვებული ინფორმაცია ხაშურის მუნიციპალიტეტის ადმინისტრაციულ-ტერიტორიულ საზღვრებში არსებული სასოფლო-სამეურნეო სავარგულების შესახებ, აგრეთვე, სამეურნეო წლის განმავლობაში ნათესი და ნარგავი

(დასასრული V გვერდზე)

(დასასრული)

ფართობების სრული განახლება საინფორმაციო ბ ა ზ ი ს მონაცემები (დიდი ფართობები, მსხვილი ფერმერები, ვენახი, საწარმოები, მეცხოველეობა და ა. შ.) დადგენილ ვადებში მიეწოდება გარემოს დაცვისა და სოფლის მეურნეობის სამინისტროს;

გაგრძელდა საშემოდგომო ხორბლის მოსავლიანობის კვლევის სამუშაოები; სამსახურის სპეციალისტებმა, ინსტრუქციის მიხედვით, დადგინდეს ვადებში, რამდენჯერმე დავათვალიერეთ ხორბლის მწარმოებელი 14 ფერმერის კუთვნილი 187 ჰა ხორბლის ნათესები, ავიდეთ საანალიზო ნიმუშები, ჩავატარეთ მეთოდით განსაზღვრული სხვა სამუშაოები. კვლევის მასალები მიეწოდა სამინისტროს შესაბამის სამსახურს და ქარელის საინფორმაციო-საკონსულტაციო სამსახურთან არსებულ ლაბორატორიას.

სასოფლო-სამეურნეო კულტურების მიხედვით, სავარაუდო მოსავლის განსაზღვრა ხდებოდა სამინისტროს მიერ დამტკიცებული მეთოდის გამოყენებით, ადგილებიდან მიღებული ინფორმაციის გათვალისწინებისა და სამსახურის სპეციალისტების მიერ უშუალოდ მოპოვებული მასალების შეჯერების საფუძველზე; სისტემატურად წარმოებს ნაკვეთების დათვალიერება, ეს გვეხმარება სოფლად მცხოვრებ სპეციალისტებისა და მიწაზე დასაქმებულ მოქალაქეების საქმიანობის გაცნობასა და მათთან დაახლოებაში.

მუნიციპალიტეტის აგრარულ ბაზრებზე ყოველკვირეულად ხდებოდა ინფორმაციის შეგროვება სასოფლო-სამეურნეო პროდუქტების საბითუმო და საცალო ფასების შესახებ; მიღებული ინფორმაცია, გაანალიზებისა და გადამამუშავების შემდეგ, მიეწოდებოდა სამინისტროს პოლიტიკისა და ანალიტიკის დეპარტამენტს. დაინტერესების შემთხვევაში ამ მასალებით, აგრეთვე, ინფორმაციით წარმოების საშუალებების ღირებულების შესახებ სარგებლობა შეეძლოთ ფერმერებს, მეწარმეებს, მოქალაქეებს.

გრძელდებოდა, სასოფლო-სამეურნეო კოოპერატივების ხელშეწყობისა და გაძლიერების მიზნით, სოფლად მოსახლეობის დასაქმებისა და სიღარიბის დასაძლევად მიმართული ორგანიზაციული მუშაობა.

საანგარიშო პერიოდში, მეფუტკრეობის კოოპერატივებისა და მეფუტკრე - ფერმერებისათვის ხაშურში ორჯერ ჩატარდა ტრენინგი საქართველოს სავაჭრო-სამრეწველო პალატის მიერ მოწვეული ლექტორების მიერ, ამ ღონისძიებებში ფერმერების დიდი ინტერესი გამოიწვია.

უნდა აღინიშნოს, რომ ჩვენს მიერ ორგანიზებული შეხვედრები მოქალაქეთა მოთხოვნებს ძირითადად აკმაყოფილებს და ისინი გამოთქვამენ ასეთ ღონისძიებებში განმეორებით მონაწილეობის სურვილს.

„მეფუტკრეობის სასოფლო-სამეურნეო კოოპერატივების ერთიანი საწარმოო უზრუნველყოფის“ პროგრამის ფარგლებში, გორის მუნიციპალიტეტში, აშენდება თაფლის გადამამუშავებელი საწარმო, ამ საქმეში ჩართულნი არიან ჩვენს მუნიციპალიტეტში მოქმედი მეფუტკრეობის კოოპერატივები და მეფუტკრე ფერმერები.

მოსახლეობას მიეწოდებოდა ინფორმაცია სახელმწიფო პროექტების შესახებ, რომლებიც გაერთიანებულია ერთიანი სახელწოდებით - „საწარმოე საქართველოში სწრაფი განვითარებისათვის“ (აგროწარმოების ხელშეწყობის პროექტი, აგროდაზღვევა, შედავათიანი აგროკრედიტი და ა. შ.).

სასოფლო-სამეურნეო კოოპერატივების შექმნისადმი ხელშეწყობა ეკონომიკური საქმიანობის მხარდაჭერა სამსახურის პრიორიტეტია; ჩვენი ორგანიზებით ჩატარდა საქართველოს სავაჭრო-სამრეწველო პალატის, სოფლის მეურნეობის განვითარების საერთაშორისო ფონდის IFAD, საქართველოს სასოფლო-სამეურნეო კოოპერატივების ასოციაციის წარმომადგენელთა შეხვედრები მეფუტკრეობის, მეხილეობისა და მეზოოსტრობის კოოპერატივებთან, კარტოფილის მწარმოებელ ფერმერებთან, საკალმახეებისა და სათევზე ტბორების მეპატრონეებთან.

მუნიციპალიტეტის საზღვრებში, მემცენარეობის პირველადი წარმოების პროდუქტების მიხედვით, სასაწყობო და გადამამუშავებელი საწარმოების არსებული პოტენციალის შესწავლის შემდეგ 220 ტონა ხილ-ბოსტნეულის ტევადობის მაცივარის აშენების რეკომენდაცია მიეცა სასოფლო-სამეურნეო კოოპერატივი „სურამი 2017“ - ის გამგობას; სახელმწიფო თანადაფინანსებით აღნიშნული მშენებლობა სოფ. გომში განხორციელდება 2019 წლისათვის.

მოსახლეობას, ყველა დაინტერესებულ პირს მიეწოდებოდა ინფორმაცია სოფლის მეურნეობაში მოქმედ საქართველოს კანონმდებლობის (კანონები „სასოფლო-სამეურნეო დანიშნულების მიწების შესახებ“, „მიწის რეგისტრაციის რეგულაციის შესახებ“, „მაღალმთიანი რეგიონების განვითარების შესახებ“ და ა. შ.) შესახებ და ვაცნობთ სამართლებრივ და საგადასახადო ვალდებულებებს.

მუნიციპალიტეტის ფოიეში შეუფერხებლად მუშაობს მონიტორი მოქალაქეებისათვის აგრარული დარგის სიახლეების მისაწოდებლად.

სამსახურის სპეციალისტების მიერ ჩატარდა საინფორმაციო შეხვედრები მოსახლეობისათვის მცირე ბიზნესის ხელშეწყობის სამთავრობო პროგრამის გაცნობის საკითხებზე, სპეციალისტების დახმარებით მომზადდა ათზე მეტი საპროექტო წინადადება, აქედან წარმატებას მიაღწია რამდენიმე მოქალაქემ.

სამსახურის საქმიანი ურთიერთობა აქვს მუნიციპალიტეტში მოქმედ იუსტიციის სახლის მუშაკებთან, მათ სისტემატურად მიეწოდებოდათ საცნობარო-მეთოდური მასალები (სამინისტროს გახუთი „ჩვენი სოფელი“-ის ახალი ნომრები, ბროშურები და ა. შ.). სამსახურის სპეციალისტებმა მონაწილეობა მიიღეს გაეროს სურსათისა სოფლის

# გარემოს დაცვისა და სოფლის მეურნეობის სამინისტროს ხაშურის საინფორმაციო-საკონსულტაციო სამსახურის 2018 წლის ანგარიში

მეურნეობის ორგანიზაციის მიერ აგრო - ტესტირების ელექტრონული პლატფორმის საშუალებით 24 - 26 ივლისს ჩატარებულ პროფესიული საჭიროებების კვლევაში და ყველა დარგის (მევენახეობა, აგროქიმიკა, მეხილეობა, მეცხოველეობა და ა. შ.) მიხედვით დაიმსახურეს მაღალი შეფასება.

სამსახურის სპეციალისტებმა დაწესებულ ვადაში გაიარეს გარემოს დაცვისა და სოფლის მეურნეობის სამინისტროს საჯარო მოხელისათვის დადგენილი შეფასების პროცედურები და გადაეგზავნა იგი შესაბამის დეპარტამენტს.

მოქმედებს სამსახურის ინიციატივით საკონსულტაციო საქმიანობის გაფართოებისა და სრულყოფის მიზნით შექმნილი ფერმერთა საკონსულტაციო საბჭო. საკონსულტაციო საბჭოს სხდომებზე ხდება სხვადასხვა აქტუალური საკითხის განხილვა.

საკვლე ლაბორატორიის მეშვეობით მიმდინარეობდა ფერმერების კუთვნილი სასოფლო-სამეურნეო სავარგულებში ნიადაგისა და სარწყავი წყლის მუხავიანობისა და მარილიანობის, ასევე, ნიადაგის ნაყოფიერების განსაზღვრა; იმისათვის, რომ ფერმერმა უკეთესი მოსავალი მიიღოს, მიწის ლაბორატორიული ანალიზის გაკეთება აუცილებელია. მიმდინარე წელს, საკვლე ლაბორატორიით 60-მდე ფერმერმა ისარგებლა;

ფერმერებთან ადგილზე ვიზიტისაშუალება ეძლევათ გაიგონ თავიანთი ნაკვეთის ხარისხობრივი მანკეებები, ესაზღვრავთ ნიადაგის მუხავიანობას, სარწყავი წყლის მარილიანობას და ტუტიანობას, ასევე, მნიშვნელოვანი სამი ელემენტის - აზოტის, ფოსფორის, კალიუმის - შემცველობას როგორც ნიადაგში, ისე მცენარეში, რის გამოც გვიხდება ერთი და იგივე ფერმერთან მთელი სამეურნეო წლის განმავლობაში რამდენიმე ვიზიტი. მიღებული შედეგების გათვალისწინებით, ფერმერებს ეძლევათ შესაბამისი რეკომენდაციები.

სურსათის სააგენტოს მცენარეთა დაცვის სპეციალისტთან ერთად, ვაწარმოებთ საინფორმაციო-საკონსულტაციო შეხვედრებს მოქალაქეებისათვის აზიური ფაროსანას საწინააღმდეგო ბრძოლის ღონისძიებების გაცნობის მიზნით და სხვა.

რეგიონალური სამმართველოს და საინფორმაციო-საკონსულტაციო სამსახურის პრობლემები:

სამსახურის ნორმალური მუშაობისთვის გვესაჭიროება ოფისში გაზგამათობლები, ორი ერთეული ქსეროქსის აპარატისთვის კარტრიჯები.

სატელეფონო კონსულტაციების გაწევის მსურველთა რაოდენობის გაზრდის გამო, საჭიროთ მიგვიჩნია სამსახურის სპეციალისტებს მიეცეს კორპორაციულ ტელეფონებზე სალაპარაკო ლიმიტი, თვეში 10 ლარის რაოდენობით მაინც. საკითხის დადებითად გადაწყვეტა ერთიორად გააუმჯობესებს სამსახურის დებულებით გათვალისწინებულ უფლება-მოვალეობების ოპერატიულად და ხარისხიანად შესრულებას.

## პრობლემები რეგიონში სოფლის მეურნეობის კუთხით და მოსაზრება / წინადადება / ხედვა პრობლემების მოგვარებაზე

კვლავ მოსაგვარებელია ხცისის სატუმბო სადგურის ადდგენის საკითხი. მოშლილია მთლიანად, გარდა სოფ. ვაყისა, შიდა სარწყავი სისტემები ქვიშკით, ცხრა-მუხის და გომის ადმინისტრაციული ერთეულის სოფლებში 2100 ჰექტარ ფართობზე.

ცალკე განხილვას ექვემდებარება „ზემო ხაშურის“ სატუმბო სადგურის ადდგენა სოფ. ვაყასთან, რომელიც 90-იან წლებში ასარწყავებდა ფლევის, წაღვლის და ალის ადმინისტრაციული ერთეულის სოფლების 3600 ჰექტარამდე ერთწლიანი და მრავალწლიანი კულტურებით დაკავებულ ფართობებს.

მელიორაციის კუთხით შექმნილი პრობლემები, ერთის მხრივ, განპირობებულია ამ რამდენიმე წლის წინ გაუქმებული ტაშისკერის სარწყავი სისტემების მართვის ხაშურის სერვისცენტრის გაუქმებით, რომლის მატერიალურ-ტექნიკური ბაზა კვლავ არსებობს და მისი ადდგენა შესაძლებელია და აუცილებლობაცაა, რადგან სათავე ნაგებობა, წყალგამტარი დიუკრები, გვირაბები და 36კმ-იანი ცენტრალური მაგისტრალური არხი ჩვენი მუნიციპალიტეტის საზღვრებშია განთავსებული, მათ მომსახურებაზე კი ქარელიდან ხდება ტექნიკის გადმოადგილება, რაც სამუშაოების ოპერატიულად წარმართვას ღიდავ აფერხებს.

გადაწყვეტას მოითხოვს სოფლის მეურნეობის სამეცნიერო ცენტრზე ჯიშთა გამოცდისათვის და სადემონსტრაციო გამოყენებისათვის გამოყოფილი 12 ჰექტარი მიწის ფართობის სრულყოფილად გამოყენებისათვის სარწყავი ნაგებობების გადაცემის საკითხი, რომელიც ეკონომიკის სამინისტროს ქონების მართვის სააგენტოს საკუთრებას წარმოადგენს, საკითხის დადებითად გადაწყვეტა კი ჩვენს სამსახურს საშუალებას მისცემს გაუკეთოთ ფერმერებს ორგანიზება, რათა გაეცნონ ერთწლიანი და მრავალწლიანი კულტურების თანამედროვე ტექნოლოგიებით მოვლა-მოყვანის სამუშაოებს.

ასეთია მოკლე ანალიზი 2018 წელს გაწეული მუშაობის შესახებ. იმედია, მიმდინარე 2019 წელი კიდევ უფრო ნაყოფიერი იქნება მუნიციპალიტეტში სოფლის მეურნეობის განვითარების კუთხით.

ჯემალ გელაშვილი,  
გარემოს დაცვისა და სოფლის მეურნეობის სამინისტროს  
ხაშურის საინფორმაციო-საკონსულტაციო სამსახურის  
პირველი კატეგორიის უფროსი სპეციალისტი

## სკოლა - ბნეობრივი აღზრდა ქვეყნის ხსნის ერთადერთი გზა

გასულ კვირას, ხაშურის შოთა რუსთაველის სახელობის №9 საჯარო სკოლაში, ჩატარდა ღონისძიება სახელწოდებით „ზნეობრივი აღზრდა ქვეყნის ხსნის ერთადერთი გზა“, რომლის ხელმძღვანელი და ავტორი ამავე სკოლის ქართული ენის დეპარტამენტი პედაგოგი ნანი კაპანაძე გახლდათ. ღონისძიება მთლიანად დაფუძნებული იყო უდიდესი ქართველი პოეტებისა და მწერლების შეგონებებსა თუ ზნეობრივი პრინციპებზე, რომლებზეც მრავალნი და მრავალნი აღზრდილან. შოთა, ილია, აკაკი, ვაჟა, მუხომან-საბა სწორედ ის ავტორები არიან, რომელთა შემოქმედებაშიც ყველაზე მძაფრად იგონება ზნეობრივი იდეალებსკენ სწრაფვა და მათი მომავალი თაობისათვის გაზიარება. სიყვარული ზნეობრიობის საფუძველია, სიზარმაცე, სიცრუე, სიყალბე კი - მტერი, ეს იყო ძირითადი გზავნილი, რომელსაც ბავშვები დამსწრეთ უგზავნიდნენ და აგრეთვე, აღნიშნეს, რომ ბავშვის სრულყოფილ პიროვნებად ჩამოყალიბებაში დიდი წვლილი მშობელთან ერთად, სკოლას და პედაგოგებს მიუძღვის, ქვეყნის განვითარების გზაზე დაყენება სწორედ, რომ ღირსეულად აღზრდილ ახალგაზრდობას ძალუქს. „სჯობს სახელისა მოხვეჭა ყოვლისა მოსახვეჭელსა“, შოთა რუსთაველის ამ უკვადავი აფორიზმით დაკვირვებინდა შეხვედრა, რომელიც საჭიროა თითოეულმა ჩვენგანმა გავისივრებინოთ.



- ქველმოქმედება -

### საახალწლო საჩუქრები ასეულობით მოზარდმა მიიღო

ხაშურის მუნიციპალიტეტის მერი გიორგი გურასპაშვილი და მერიის ჯანმრთელობის დაცვისა და სოციალური სამსახურის ხელმძღვანელი გიორგი ცერცვაძე ხაშურის მუნიციპალიტეტის დევნილ და სოციალურად დაუცველ (0-დან 20000 სარეიტინგო ქულის მქონე) 750-მდე ოჯახს საახალწლოდ საკვ-



ბი პროდუქტებით დაეხმარა და საჩუქრები გადასცა. „ადამიანზე ზრუნვა ჩვენი პრიორიტეტია. შესაძლებლობის ფარგლებში, მაქსიმალურად ვეცდებით, დავეხმაროთ ყველა იმ მოქალაქეს, ვისაც ჩვენი თანადგომა სჭირდება“ - აღნიშნა მუნიციპალიტეტის მერმა. საახალწლოდ სოციალურად დაუცველი მოქალაქეების დახმარება ხაშურის მერიაში ტრადიციულ ხასიათს ატარებს. საქველმოქმედო აქციას შეუერთდა ა(ა)იპ „ხაშურსერვისი“, რომელმაც სამ მრავალშვილიან და სოციალურად დაუცველ ოჯახს, კეთილი ნებითა და პირადი სახსრებით საახალწლო საჩუქრები გადასცა. საახალწლო საჩუქრებით დასაჩუქრდნენ მცირე საოჯახო ტიპის სახლების ბენეფიციარებიც, რომლებმაც ეს ყველაფერი კომპანია „სინოპიდროსგან“ მიიღეს. ბენეფიციარები, აგრეთვე, დასაჩუქრდნენ ტკბილეულით და საყოფაცხოვრებო ნივთებით, რომლებიც მათ რეგიონული განვითარების და ინფრასტრუქტურის სამინისტროს თანამშრომლებმა გამოუგზავნეს. საჩუქრები პატარებს ხაშურის მუნიციპალიტეტის მერმა გიორგი გურასპა-

აშვილმა, მერის მოადგილეებმა ზვიად ქურდაძემ, ზურაბ ჩხიტიანიძემ და მერიის განათლების კულტურისა და სპორტის სამსახურის ხელმძღვანელმა კონსტანტინე ფრუიძემ გადასცეს. „მზრუნველობამოკლებულ პატარებზე ზრუნვა თითოეული მოქალაქის მოვალეობაა. სახელმწიფო ბევრს აკეთებს და სამომავლოდ ბევრს გააკეთებს მათთვის ცხოვრების ღირსეული პირობების შესაქმნელად“, - აღნიშნეს საქველმოქმედო აქციის მონაწილეებმა.



\*\*\*

ხაშურის მუნიციპალიტეტის მერიის მხარდაჭერით, ე.წ. გამყოფი ხაზის მიმდებარე სოფელ წაღვლში მცხოვრები პატარები და შეზღუდული და სპეციალური საჭიროების მქონე ბავშვები ხაშურის თოჯინების თეატრში გამართულ საახალწლო სანახაობას დაესწრნენ, შემდგომ კი საჩუქრებიც მიიღეს ხაშურის მუნიციპალიტეტის მერიისგან. აქცია, რომელიც უკვე ტრადიციულ ხასიათს ატარებს, წელსაც მერიის განათლების, კულტურისა და სპორტის სამსახურის ორგანიზებით მოეწყო.

\*\*\*

ხაშურის მუნიციპალიტეტის მერიისა და „სკოლამდელი აღზრდის დაწესებულებების-საბავშვო ბაღების გაერთიანების“ ინიციატივით ხაშურის მუნიციპალიტეტში მოქმედ თხუთმეტივე საბავშვო ბაღის აღსაზრდელებს საახალწლო ტკბილეული და საჩუქრები გადაეცათ. მომავალ თაობებზე და სააღმზრდელო დაწესებულებებზე ზრუნვა ხაშურის მუნიციპალიტეტის მერიის ერთ-ერთი ძირითადი პრიორიტეტია.



### დაჯილდოვდნენ წარმატებული სპორტსმენები და მწვრთნელები

ხაშურის მუნიციპალიტეტის მერმა გიორგი გურასპაშვილმა, მერიის წარმომადგენლებთან ერთად, ხაშურის სასპორტო სკოლის დამსახურებულ მწვრთნელებს, ასევე წარმატებულ სპორტსმენებს - მსოფლიოსა და ევროპის ჩემპიონატების პრიზიორებს და მათ მწვრთნელებს დამდეგი შობა-ახალი წელი მიულოცა და ფულადი ჯილდოები გადასცა. გიორგი გურასპაშვილმა წარმატებული სპორტსმენების მნიშვნელოვანი მიღწევები განსაკუთრებით აღნიშნა და განაცხადა, რომ ეს ჩვენი მუნიციპალიტეტისთვის ძალიან საამაყოა. „ხაშურის მუნიციპალიტეტის მერია მუდმივად ხელს უწყობს სპორტულ ცხოვრებას და ჯანსაღი ცხოვრების წესის დამკვიდრებას, თქვენ კი, ამ მიმართულებით, მართლაც გამორჩეულები ბრძანდებით და თქვენი გმირობით მაგალითს აძლევთ საზოგადოებას“, - აღნიშნა მუნიციპალიტეტის მერმა მისასაღებელ სიტყვაში. წარმატებული სპორტსმენების და მწვრთნელების დაჯილდოება ხაშურის მუნიციპალიტეტში უკვე ტრადიციულ ხასიათს ატარებს.



### ასე შეეგება ხაშური ახად წელს

მუნიციპალიტეტის მერიის ორგანიზებით და დაფინანსებით, მართლაც შესანიშნავი გალა-კონცერტით და ულამაზესი ფოიერვერკით შეეგება ქალაქი ახალი წლის შემობრძანებას. ასეულობით ჩვენს თანამოქალაქეს, ბავშვებს, ახალი წელი თავისი შემოქმედებით გაულამაზეს ჯგუფებმა „ნიკოლ-შოუ“ და „რეზო და ბავშვები“. ქალაქის მთავარ მოედანზე გამართული საახალწლო კონცერტი უკვე ტრადიციის ნაწილად იქცა და იმედია კვლავაც გაგრძელდება.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. **ბ**-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.